

JOYCE
MEYER

KIT ME BEDO AGONYA KI I ANYOBANYOBA

Pingo,
Lubanga,
Pingo?

PINGO, LUBANGA, PINGO?

Kit Me Bedo Agonya
Ki I Anyobanyoba

JOYCE
MEYER



JOYCE MEYER
MINISTRIES

P.O. Box 5, Cape Town 8000

English Version: Why, God, Why?

Me nongo lacoc ma co waraga i:

Joyce Meyer Ministries
PO Box 655
Fenton, Missouri 63026
Nyo go cim: (636)349-0303
Internet Address: www.joycemeyer.org

*Timber ico caden nyo kony ma inongo ma a ki i buk man-ka icoyo.
Jami ma imito ni gileg pire bene iromo coyo ne.*

Ka imito nongo lacoc i Canada co:

Joyce Meyer Ministries Canada, Inc.
Lambeth Box 1300
London, I N6P IT5
Nyo go cim: (636)349-0303

Ka i tye i South Africa, co i:

Joyce Meyer Ministries South Africa
PO Box 5
Cape Town, 8000
South Africa
Nyo go cim: +(27) 21 701 1056

Ka itye i England, co i:

Joyce Meyer Ministries
PO Box 1549
Windsor
SL4 1GT
Nyo go cim: (0) 1753-831102

LACIM



<i>Lok mukwongo</i>	5
1. Ngo ma kelo anyobanyoba?	7
2. Ki gonya woko ki i “tam”	11
3. Yu tam me niyi	13
4. Kica bino pi nino ki acel	15
5. Ka nongo	19
6. Kace kono?	23
7. Pe iwek we aye otel in	27
8. “Yo me tam” kelo bwola	31
9. Anyobanyoba kwalo kucci	35

LOK MUKWONGO



Jon 10:10 Lakwo pe bino pi loko mukene, ento pi kwalo, Pi neko, ki Pi balo lyeko libok, ento Yecu doino wek wunong kwo ki mulle ducu.

Miti pa citan tye me mayo kuc woko ki bot dano, me wek kwo obed tek. Ento a lego ni buk man okonyi ipwonye me weko “Lubanga obed Lubanga” I kwo ni, wek I nong kwo ma opong ki kuc ki, yomewiny ma Yecu oto ni wek inong idok i bed kwede.

1



NGO MA KELO ANYOBANYOBA?

I tye ki Anyobanyoba? Tye gin mo ma tye ka time i kwo ni kombedi ma pe i tye ka niang? Twero bedo kwo ni me angec, ci pe i tye ka niang pingo kwo ni tye kit ma tye kwede ni. Pi man mogo nongo itye ka waconi, pingo time ki an, Lubanga pingo jami magi otimme kumeno? Pe atwero niang do!

A cako niang ni dano mapol deno can madwong pi anyobanyoba. I kare ma okato angec an bene onongo abedo ki anyobanyoba madwong ci oweko angeyo kit ma lok man kelo can madit i kom dano, pi man acako lwodo ngo ma weko dano bedo ki anyobanyoba dok bene kit ma gitwero gwokke, wek pe gudony iye.

Inino mo acel onongo atye ki kacokke i kal madit me Kansas dana ma ogure nongo romo 300. Apenyo ni dano adi ki i kin gi ma giwinyo ni gi tye ki anyobanyoba ma mako gin mo ma tye ka time i kwogi. Ki wura madit, Jo aryo keken ki i kin gi aye pe guilo cingi malo, ngat acel i kin jo aryo meno obedo cwara.

Ka aneno ki wang matut, ci man nyutuni 298 ki i kin jo 300 nongo gi tye ki lok i cwinygi. Tere ni ka i kwano i kom miya acel ci man 99.3 i kom miya. I kere ma acako roto i kin lwak a keniken, anongo ni man mako dano mapot ata. Welle onongo itye malo mada.

I kore ma alwodo lok man ci apenyo Rwot me nyutia ngo ma kello

PINGO, LUBANGA, PINGO?

anyobanyoba icwiny dano, ci ogamo ni “Wac ki dano guwek paro kit ma gitwero cobo pekogi ci anyobanyoba ma kit meno polle bigik”. Man oweko dong atye ki niang ngo ma oweko pe dong atye ki jami mapol ikocona ma pe aniangi, ento kombedi dong alokaloka pol mada. Lubanga dong olara woko me paro kit ma atwero cobo kwede peko mapatpat. Lubanga olara woko ki i tamo tam (“tam” majo Korinto me aryo 10:5 loko pire ni), ci dong pe abedo ka paro pi jami mogo ms time i kwona ma pe aniang i komgi ni.

Winye calo yet mada do? Ento bedo agonya tye ka i kwero atematemma me bedo ka paro kit me cobo pekon ni keni. Ka i cung ci i tamo pire ci inongo ni konye tye pien tam ducu time i kabedo ma gilwongo ni “Cwiny.”

Cwiny aye bar lweny ki catan ma wa loyo nyo giloyo wa iye. “*Lubanga en aye pe lakel anyobanyoba*” (1 Jo Korint 14:33) Catan aye. Catan miya wa tam ku par ma pe rwatte ki lok pa Lubanga. (2 Jo Korint 10:4, 5). Waconi kit tam acel ma myero wajwaa woko wek wa loo lweny en aye tam ma pe atir. Tyen waco ni:

Jami lweny ma watiyo kwedgi me lwenywa pe obedo jami lweny. Me lobo man, ento gubedo jami. Lweny me tek pa Lubanga ma turo cel gogo pa Lumerok wa wok:

“Waturo kwede tam ma pe atir, ki kit wake ducu ma timme me pyem, me gengo dano miyo pe gingejo Lubanga, kun wamako tam acel acel macalo opii, waketo ite lio pa Kricito (Macia, ma giwirre).”
2 Jo Korint 10:4, 5.

Ka gin acoya pwonyowa nipe wabed ki par nyo tam ma pe atir, ci myero walubi. Ci ka tam ma pe atir obino botwa, myero waket gi ite loc pa Kricito. Gin acoya waco ni watye pole i cwiny. Catan monyo wa i cwinywa.

Ma lube ki gin acoya magi watye ka niang kit yo ma en monyo wa kwede,

i tamwa. Tikka meno tye kare ma inongo ni i tamo tam nyo igoyo cal i wi kekeni ma ineno ni pe otera me atama? I goyo yo mapatpat me cobo kwede pekoni, i tedo wi wek i nong yo me nongo Lagam pi kwai Lapeny ducu ma nen calo Lubanga keken aye tye kwede.

Me guru wi lok magi ducu ma i dul man, dong watwero giko tere macek ni anyobanyoba bino ka ce watemo ki ngec wa kenwa me nongo lagam nyo yo me cobo peko wa kadi bed wangeyo ni Lubanga kene aye tye ki Lagam wa ducu. Dok bene inongo ni en kene aye ngeyo pingo ne, ma en pe tito ki ngati.

2



KI GONYA WOKO KI I “TAM”

Mukwongo myero kong iniang wic. Kit cwiny ango ma onongo atye kwede ma peya i pwoya nigonye na ki i tam.

Con onango amoko tamma ni pe abibedo ma nongo ajenge i kom dano mo kaken. Onongo dong amoko tamma ni pe abimito tam onyo kony ki bot ngatimo kenen pien pe amito ni ki wacca ni yam awacci do. Onongo dong aol woko ki tim anywar pa dano ci atamo ni man biweko abedo Labongo cwercwiny.

Yona man kono. Pe anongo atir, ento otera kare malac me niang wek aye ni pe yo ma atir. Atero kare malac kun atye ki par madwong wa ki tam ma pe atir pien pe aniang ni yo man ma amakoni obedo yo marac. Ka inen pe wamito dano i kwo wa, weko gen wa i kom Lubanga ki i kom dano bedo tek.

Rwot Lubanga mito ni wabed ma wakeme i kome, pe myero.

“Why God Why” – Pingo, Lubanga, Pingo. Rwot mito ni wakeme I kome, pe waweke woko ma nongo wageno kwo wa kekenwa. Kace I keme matek ikom kricito Yecu te lokke ni nongo I twero gene pi mine jami ducu ma pe iniang gi, kun nongo iniang, ni en ngeyo, ci ka cawa ma atir oromo, en bitucci wek inge.

PINGO, LUBANGA, PINGO?

Pe I nywen lok man ki bedo laming. Pe myero wabed luming, tutwalle kama niye tye iye. Ka ce gin mo otimme I komi nyo I kom laremi ento pe iniang pingo jami magi otimme nyo ngo ma otimme, gin me acel ma omyero itugi timo en aye lega. Peny cwiny maleng wek omini ngec opwonyi, okwany colpiny wek omini niyabo nyo ngec, ci kure naka wang ma omini ngec me niang cawa ma Lubanga obiyabo niang man.¹

Ka lapeny mogo maptpat obino I cwinyi, itwero bedo ki lwod manok, ento teke inongo ni tye ka cako nyweno tami anywena, myero I cak mere pwoyo Lubanga pi lagam ma en tye kwede. Wace ni I winyo maber me niang ni en ngeyo cobone, dok bene wace ni I gene me nyutti cawane ma ada.

Pe ubibedo labongo par ki anyobanyoba wang ma I mako yo man ma atye ka titi pire ni. *Man obedo yo me niye.*

¹ Joyce tye ki buk ma nyutti cawa pa Lubanga ma gilwongo ni awene, Lubanga, awene?

3



YU TAM ME NIYI

Watwero waco ni niye obedo pwony nyo ya ma wanongo jami ma a ki bot Lubanga. Jo epeco 2:8, 9 waneno ni pi kicane omiyo en olaro wa pi niye. Jo Ibru 11:1 waconi: “Niye aye ma moko gin ma (wa) geno, en gin ma niangowa maber ni jami ma pe (wa) neno komgi gitye.”

Watwero gonyo te niye iyo mapatpat ento yo mayot me niang niye, wa ki me ngeyo ka watye ka wot I niye, en aye me waco ni “niye obedo kit yo ma itammo ki tam.”

Tam me niye kelo yweyo me cwiny. Jo Ibru 4:3 waco ni jo ma oye bidonyo iyweyo pa Lubanga. Jo Ibru 4 bene waco ni ngat ma dong odonyo iyweyo bot Lubanga nongo dong oywe woko ki I arem ki ticce ma a ki yelle ma dano yelle kwede (tyeng 10) par obedo tic ci teri I anyobanyoba, pe yweyo.

Tam me niye waco ni abiketo par par na weng I kome pien en tamo pira. (1 Petero 5:7) waco ni, pe myero abed ki ngec ka niang kit ma jami ducu time kwede apeke ki gung cwiny pien angeyo ngat ma niang gi ducu! (Lok pa lacoc). Kwany kare me ngeyo en me kakar bedo kaparo kit me en obitiyo me cobo gin matye ka time.

Tam me niye pe bedo ka par, pe ibed ma cwinyi ongabe angaba ki lworo pi ngo mabitime diki pien niye niang kadi bed pe iniang kwene

ma itye ka cito iye I kare me anyim me diki, en do ngeyo ni Yecu dong otyeko o woko kunu. Po ni en aye ma yam obedo tye con, dok ma bibino. En dong yam obedo tye kunu con mayam peya gikwinyo gutti me lobo. En oketo cinge I kare me cwec. Ongeyi ma peya ginywali. En ma ocweyi ki cinge i imeni. En mere pe obedo tye kene I acakki, ento en aye acakki, alpha.

Agikki kono? En mono cako jami ci gikko woko iyo? Ku / pe kit meno! En bityeko gin ma ocako. (Jo Ibru 12:2; Jo Pilipi 1:6). En bibedo tye I agikki. En agikki, omega. Amaro wacco ne kit man, “En pe obedo alpha kenen ki omega, acakki ki agikki, ento en bene obedo jami duc matye ikin acakki ki agikki.”

Wek kong wapor / watem waconi Yecu peya obidwogo oyot, atye ki diki ma pud pol ata wa in bene. Cwinya yom dok bene iya okwe pi ngeyo ni gigu ducu matye pira I diki, en oketo diki wa ki an weng I opam cinge icaya 49:16.

Tam me niye kwo nino ki nino.

Mokgwa wa tumelo o phela hang ka nako.

4



KICA BINO PI NINO ACEL KI ACEL

Pa dano I me kom. Tam iyo me nino duc obedo agwak ma makowa I gin ma okato angec nyo corowa atura I gin me anyim. Po ni baibul wacci, “Niye aye” (Jo Ibru 11:1). Ka I bedo I kwo ma dong okato angec, ci kwo bedo tek. En pe olwongge ni mamalo twal mayam obedo. Ka imito bedo I diki ma nongo peya io iye nyo I tye ka paro ngo ma diki kelo, ci kwo bibedo tek. En pe olwongge ni “An mamalo twal ma bibino.” Ento ka I kwo pi nino ki nino ducu mabino acel acel, nino matin, nino ma itye iye tinni, kwo bibedo yot mada. En owacco ni “Atye” (Nia 3:14) niye aye.

En owaco bot lukwena I kare ma yamo twago pii ni, “Pingo wulwor? Wudii cwinywu. Atye!” (Matayo 14:27 yo macik pa lacoc). I niang? Yecu onongo tye ka wacco ni “Atye” kany piwu kombedi, ci ka “Atye”, jami ducu biwot maber. Bed kwo I inino ma tin! Paro gin ma okato laworo nyo gin ma bitimine diki kwalo nino ma tin woko. Gimiyi kica pi nino ma tin. Kica me diki pe bino – naka wanga ma diki oo, ki kica ma laworo bene dong otum woko liweng. Kica obedo lakong, Gum (Luguma) ki tek pa cwiny maleng me konyi me tiyo gin duc ma mito atima. Ento pe watwero nongo luguma ci I gwoko kamo, I lok ada.

I po jo icrael I aroo? Lubanga ki tangu mamere opito gi nino ki nino kun cwero camgi awera ki I polo. Gulwongo ni “manna.” Calo wan,

gin nongo gimitoni gicok madwong pit diki ki tin. Gumito ni gipar pi diki ce inen wi Lubanga biwil woko ka timo tango man oruu-ne, ento Lubanga okwero gi ka cokko cam makato mamite pi, ni acelacci, nikwanyo I ceng cabit. Ci ka gin gucoko cam madwong makato pi nino acel acel, odong cam top woko.

Kong I cung itam manok. Man lanyut madit tutwal ma watwero tic kwede I kare man. Ka I tye ka tamo tam, par ki cwinyi ongabé angaba, nongo itye ka cokko manna me diki. Woru ma tye I polo mito ni igene pi diki. Carolok 3:5 waconi gen Rwot ki cwinyi ducu ki tami ducu wek pe ijenge I kom niangi ma itye kwede.

I kare mo acel akwano lanyut magi. Co aryo onongo gitye I buc pi caden gi I kom Yecu kricito. Gidyero me wango-gi oru-ne I kom yat. Ngat acel onongo dano ma oteggi dok bene tye ki ngec madwong iyo pa Lubanga. Ngat acelle ni kono onongo dano ma pud tidi ma maro Rwot tutwal ento onongo pud peya tye ki ngec ma oromo I kom Lubanga.

Awobi man okwanyo kibiriti me cwinyo laputte pien piny dong odoko col woko. En owango cinge I kare me cwinyo laputte. Piman en ocako bedo ki lworo kun dange ni, “Ka wango cinga keken lit kuman, cidong pe abitweru nyalo arem mac ka gibiwanga I kom yen.” Utmego ma oteggi ni okweyo cwinye ni, “Latin, Lubanga pe olegi owacci ni I wang cingi, piman en pe omini kica. En tye ka leggi ni dyer kwoni, pi man aniangi ni ka odiko oromo, kica-ne bibedo tye wek itim gin mamyero itti.”

Ineno ba, ladit man, pi ngec madwong ma oa ki I wot ki Rwot pi mwaka madwong ongeyo ni ka odiko oromo, kica pa Lubanga nongo tye. Pi meno cwinye pe otagge I ngo ma tye katime kombedi, pien nongo tye ki niye pi kombedi, ci diki kicane ki teko nongo bene tye.

I romo nene ni lanyut man laro wa ki I “tam.” Niye pe paro pi diki. (gin me anyim). Niye ywe mot pien ngeyo ni Lubanga obicwero manna me diki. Adada a jingo cwinyi wek pe ibal kare matin ka paro ngo ma bitimme I anyim nyo ma dong otimme woko angec.

Kit ma yam akwano: Laworo obedo calo cente ma gingolo woko konye pe, diki obedo calo cente ma ngatu owaco ni gwok twero nonge ento tin aye kene cente ma dong I mako I cingi (Ngwen ma opoto I pony aye meri). *Tii kwede ki diro!*

5



KA NONGO

Apostle Paul pwonyo I jo pilipi ni omyero wa wek ngo ma okato angec wek waring ka laro gin matye anyim. (Jo Pilipi 3:13) wacako moko ning I kom gin ma okato angec mapat ki I tamwa? A tamo ni wa twero bedo ka wirre awira I tamwa ikwo ma okato, kun myero watii ki teko meno I tino ma tin.

In mono I bedo I kwo ma okato angec ceng jwi? I bedo ka tamo, “Pingo atimo gin munyo? O kono onongo pe awaco nyo atimo gin meno.” Onyo, “Kono onongo atimo jami munyo.” Gwoke ki “kono onongo.”

Nyo itamo ni I tye ka timo jami ducu kit ma myero gitim gi kwede ento pe gutime kit ma itamo. Itwero wuru ni, “Pingo gutime kit mero? Pingo, Lubanga, pingo? Pe atwero niang. Myero angol ryeko ne! pe otwero niang? Pe atwero bedo labongo niang! Oo wiya dong onywene woko!”

Itwero poro tam kit me? A twero wacci lok ada? Itye ka pwode kekeni! A balo mwaka mapol ka time kit meno, pe tiyo! Tye jami mapol ikwo na ma okato angec ma pe aniang, dok pe abiniang. Ento apwoyo Lubanga en ocwala kwena man me wek abwot jami ma okato angec wek adine matek anong gin ma tye anyim. Kombedi dong apong ki kuc madit.

PINGO, LUBANGA, PINGO?

Gin acoya tito Icaya 26:3 Lubanga bigwokko I kuc ngat ma tamme tye I kome.” Pe waco ni ngat ma wiye opong ki par kun yenyo yo ne kekene bibedo ki kuc.

I kare man tye jami ma time maracu, ma pe opore me atima. I kwo na me angec, nyo gwok I megi bene jami mogo atimme ma pe oporre, jami ma okela peko; cwer cwiny ki awano madwong ma otero mwaka malac me cang.

Atero mwaka madwong ka parre kekena kun pe amito tammo nyo winyo ngat mo poyo wiya pi gin ma otimme ikoma – kec cwiny ki adegadega / kiniga madwong kun apenye ni pingo jami magi otimme, I koma. Pingo Lubanga pe okonya? Pingo ngati mo pe okonya?

I agikkine anongo ni atye ka neke kena. Onongo atye ka balo nino na majwi kabedo ka paro tim ma otimme angec. Nono mo acel Lubanga owacca ni, “Joyce, I bedo ka kummu nyo latekko. Mene ma I mito?²

Kare moge bene itwero bedo I loc ma okato angec. Itwero moko I agwak me tamo kit ma itimo tek me nongo loc man, wek dok inwo timo ne. onongo abedo kweyo cwinya kun apoyo wiya pi jami mogo mabeco ma atimo. Meno bene romo gengi ki cito / mede anyim. Gin ma okato dong okato. Kadi bed nongo opong ki loc ngo ki poto / giloyi, weng dong jami ma okato. Otyeko kato kwo I nino matin!

Po pi jami mabeco ma okato angec pe rac gire, ento bedo aroca, madit, me bedo mere ka tamo pire cawa weng. Inge time pa gin mo keken I kwo ni, wek okat odong angec kun nongo I mede anyim ka neno ngo ma Lubanga oyubo priri. Jo pilip 3:13 waco ni, wiya bedo ka wil I gin mukato angec, kun alaro gin matye anyim.

2 Joyce tye ki “tape” me pwony ma ocako ni “Lok kummu odok tekko!

Amito nwoyo odoco wek igwokke ki “*ka nongo*.” Ka gin marac dong otimme woko, watwero tamo: “*ka nongo*” kono pe atimo kit meno. Ka gin maber otimme, ginongo wa ka tamo ni “*ka nongo*” atwero weko time doki.

Wek wii owil Ijam i ma okato! Pe I tem paro ne doki. Mok tammi me mede anyim.

6



KACE KONO

Atero me tam mapat (ma Baibul 1 Jo epeco 6:16 lwongo ni “mac obal mo”) ma larac bayo I komi en aye lok ma kelo lworo ki akalakala ka ce, kono.

Kace kono cente ne pe obino? Kace kono iwanne? Kace kono gin marac otimme? Ka ce kono ticci otur? Ka ce kono pe itye ki ngat mo ikwo ni? Nyo ka obedo kit man kono; ka ce kono pe I tye ka winyo dwan Lubanga? Kace kono I timo bal? kace kono ongai? Kace kono ginyeri? Kace kono gikweri woko? Ki meno jami ne pol ata. I niang kit yo me tam man?

Ka ce kono obedo yo me tam me temo niang ga matimme duc I wi. Kace kono pol kare bino kun lube ki lwak tam ma nyuttu cal ma opuru woko. Kace kono pol kare bino kun lube ki lwak tam ma nyuttu cal ma opuru woko. Kace kono tero wa I anyim kun weko-wa bedo ki lworo I kom jami ma peya otimme nyo pe bitimme labongo wan me weko obed pi lworo-wa.

“Ka ce” kono kelo anyobanyoba marom aroma ki “ka onongo.” Gin aryo weng obedo yo tam ma myero pe wadony iye. Gin weng giloko pirgi I 2 Korinto 10 I te “pwony ki tam pa dano” ki lwodo tam” magi ducu myero gitur gi woko.

Wek kong amiini lanyut ma atye ka nyuttu ni. I kare mo acel, onongo mitte ni adwol me tic-wa onong ot manyen pi ka cokke wa me cabit ki cabit. Ot kama onongo wa cokke iye ni nongo odong ki mwaka aryo keken wek gitur woko, wek giket / gicwee/ giger ot me cuk wil kakare. I kare meno wa cako yenyo ot ma romo opic / gang tic ki ot cokke malac ma wacoke iye cabit ki cabit wa ki ot kwan pa litino matino adwol pa litino ki kama giwoko iye litino. Kabedo man bene nongo wa mito ni obed ki kamene keto mutoka ma romo 300.

Man I tamo ni twero bedo yot mada me nonge; ento, pe obedo yot kit ma itamo kwede ni. Pi mwaka aryo wabedo ka yenyo kabedo ma calo man. Wa roko kona duc ma nongo wangeyo. Wayenyo madong onongo cwinywa oa woko liweng.

Catan ocako cello obal moo ne macalo. “Kace kono mwaka aryo man okato woko, ma peya wunongo kabedo mukene? Nyo obal moo atero ki kwena man-ni ka nongo yam wuwilo ka bedo munyo ma nongo pud nonge iwel mayot, kono nongo pe wutye ka neno peko man. Ka ce kono winyo dwon Lubanga ongayi woko kono? Ka onongo ibedo ki ngec madwong ma mako lok meno, kono pe tye ka yele pi ngo me atimma. Ka ce kono I wilu ot ci pe giye mi twero me tic iye kit ma imito. Kace kono ityeko cullu woko a dok kabedo mukene maber ononge I wel maber loyo?”

Pol kare apwoyo Lubanga pi lara ki I paro par ma peya lok me gedo ocakke botwa. Ka onongo gin man otimme mwaka aryo angec, kono onongo ewer cwiny oneka woko, labongo ryeko mo keken.

Man dong aye ni Rwot otelo wa (Jabuli 37:23) watye ka lega kun wageno Lubanga kun wamito miti-ne otine. Pi meno en bitelo wa I kabedo ma atir I cawa ma atir. Lubanga pe pwuk con tutwal, ento bene pe galle. Tye yo mapol ma watemo tic kwede I angec ma pe otiyo, kadi bed onongo wateme ki tek wa. Ento, I kare ne ma atir,

Lubanga onongo ki wan kabedo me apanga maber, dok bene obimedé nyuttiwa yo mamitte duc.

Kombedi dong aneno jami lyo mapatpat ci nyutti wa pingo pe gubedo atir. Ento I kare mukato, onongo nen calo abedo ka temme ki teka me nongo kabedo ento pe olarre. Jami pe time kace pe watye I cawa ma atir pa Lubanga.

Ada Lubanga ngeyo ngo ma etye ka timo. Gin mo pe time labongo ngec pa Lubanga. Dong atwero bedo mot kun angeyo ni kadi bed pe angeyo ngo me atima, angeyo ngat ma ngeyo.

In kono? Ingeyo Yecu? Ci nongo ingeyo, won twero duc, ma ngeyo ga duc, Lubanga matye kaweng. En ma won twer, won niang, tye kaweng I cawa ducu.

Ywe mot! Kace kono I lwodo tam kare ki kare, I agikkine itamo ni dong I tye ki lagam ducu, ento Lubanga weko I bedo ki wur ci timo iyo mapat adada? Ci nongo kare meno oballe me nono. Pe itamo ni I balo kare ma lac ka tam ki par?

Man gin atama: kace kono iywe mot ci iweko Lubanga obed Lubanga.

7



PE IWEK WI AYE OTEL IN

Abedo ka lega wek abed ki ngec matut me pimo tam ki kwo na ma dwong I ada, onongo abedo ka lega pire pi kare malac ka cwiny maleng owaco bota ni, “pe ibibedo ka wot I ngec matut me pimo tam Joyce wang-ma I weko lwodo tam cen.”

Jo 1 korinto 2:14-16 waco kamaleng ni dano ma pe ki cwiny pa Lubanga pe twero gamo gin ma cwiny pa Lubanga miyo. Rwo otioyo ki gin acoya man me wek aniang gin ma en mito ni aniang. Ka cwinya akelo ngec matut me pimo tam ci alwodo tam man I wiya kace time nyo pe, ci nongo atye ka balo kare. Pingo? Pien ngo ma Jo1 Korint 2:14 waco; cwiny pa dano pe twero gamo gin ma cwiny pa Lubanga miyo pien gin macalo meno cwiny maleng aye miyo dano ngeyo pimo. Cwiny pa dano ngeyo jami ma wic pe ngeyo.

Ka ce ginywali tyen me aryo in latin pa Lubanga, dong cwiny maleng bedo I cwinyi. Atye ki gen ni cwiny maleng temme mada me kelo ki wan jami mapol ma yam onongo pe waye pien watiyo tutwal ki cwiny pa dano ma watye iye ni.

Abi mini la porre. Odiko acel I kare ma atye karukke me cito I kacokke wa ma bedo cabit ki cabit me “kwo igin acoya” acako tamo pi dako man ma ladit wi adwol miyo kony I kacoke man ki pi gen ma

en lagen kwede. Miti mo obino woko ni myero ayom cwinye ki mic mo manok.

Awaco ni, “Rwot ngo ma atim pi Ruth Ann?” awinyo matek icwinya, nyo itwero waco ni atugi niang ni myero amine kiteitei na ma kwar ma tye I ot butu na ni. Onongo pud awilo nyen otyeko dwe adek. Kadi bed onongo amaro tutwal, nino duc ma atamo me ruko ne, cwinya aa woko ki iye. Onongo pud pe ya ayako ki I boc ma awilo kwede. Ruth Ann onongo dit loya, ento ki wura madit, onongo awilo caji madit kato mega ki acel pien caji maroma onongo peke.

Pi kit ma gikwoyo kwedo bongo, meno, onongo pe atamo ni ngati mo twero neno ni lac I koma.

Kakare, I kare ma miti miyo bongo man omaka, wiya owacca-ni ento Rwot, Bongo ni nyen.” Po ni ma wiya cwiny pa dano, ocako poro lok ki cwinya, kony pa lokke doko peke liweng. Ci awaco ni, “ada pe itye ka wacca ni amii bongo man ma nyen-ni.” I ada onongo atamo kit ma Lubanga, miyo ki mic labongo wany ki bere ma en ber kwede, kono onongo angeyo ni Lubanga tye ka wacca-ni amii bongo manyen ma ka miyo macon.

Kabaka Daudi owacco 2 Samuel 24:24 ma mako gero ot pa Rwot, “pe atwero tyero gitum awanga mo bot Rwot Lubanga ma pe awilo ki limma.” I neno; kit dano pe paro poke ki gin mo ma konye “peke” bot wa ento, kiteitei makwar manyen dok lokke pat me weko ami woko cen obedo tyero tyer.

Lwodo tama me agiki obedo pat mada. Awaco ni, Rwot wilo bongo na ma mwonya atika ki gi it ryal ma rwatte kwede: awaco ki gung cwiny kun aparde kekena. Onongo atamo ni Rwot kica bimakke ikoma. Lagamme obedo lingo ma mako lwod, aryo magi ducu ki me adek pi gi it. En oweko angeyo ni myero bene ami gi it kachel kit ma calo

gwoko ne labongo bongo man bedo tekki.

Lubanga pe daa kwedwa. Lokko kwedwa ki I cwinywa, nge, tam I cwiny, dwon ma laling ma tidi, nyo pol kare gin acoya ma kelo niyabo botwa. Po ni Lubanga pe bi telli kama miti ne peke iye I lokke aye mitti ne. ki doki, bed ma igwokke kid won mapatpat ma iwinyo. Dwon mapatpat pol ata. Myero ineni cwinyi tye ki caden pa cwiny maleng.

Cwinya obedo ki caden ni Ruth Ann myero oter bongo man. Ento cwiny me kom pe obedo ka ye ni amii bongo man. Ci abedo ka miyo ki Lubanga tamma ma pe rwatte. Ento Lubanga pe ogamo doga. Onongo dong en otyeko loko lokke duc. Ka wii po gin ma obedo katime I acakki, abedo katamo pi Ruth Ann ki kit ma en obedo. Lagen kwede, ci apenyo Lubanga gin ma myero atim pire. Owacca, ento wiya (tam) okwero niang kadi bed cwinya onongo ngeyo ngo me atima. An aye dong myero angol gin me atima.

Ci, akwero moko tamma woko. Man pol kare kit ma wa timme kwede weko wa a woko ki I miti pa Lubanga ci weko pe wanen calo lujemo itamwa. Man aye yo me diro nino me winyo dwone. Cwiny maber pe obedo jemo. Gin ma watimo ma lubo lok pa Lubanga obedo winyo dogge.

Cabit manok okato, ci wiya owl woko liweng I kom lok man, ento Lubanga wiye pe owl. Onongo atye ka lega pi Ruth Ann ci anwoyo lega acel-lu doki. “Lubanga atwero miyo mot ki Ruth Ann ning?

En lagam acel-lu dok aye. En kiteitei ma kwar-ri doki aye onyutte I cwinya. I agikki-ne aniang ni pe atye ka winyo dog Rwot ci a miyo bongo man. Lok ada aniang lacen inge miyo bongo man ni onongo kara awilo bongo man ire en aye oweko abedo kwede I ot pi dwe adek labongo ruko ne, wa labongo kwanyo ne ki I gica-ne. Me ada

PINGO, LUBANGA, PINGO?

Lubanga ngeyo jami magi ducu ma peya otimme, ento wa twero jemo ci doko twon gin mo madit.

Bal man cakke ki I kit me kom ma pe romo niang kit me cwiny ma 1 Jo Korinto 2 loko pire ni.

“Pingo, Lubanga, Pingo?” kit me kom waco ni. “Pingo imito ni akel gityer? Pingo pe twero bedo yot? Pingo bedo tek? Jo Roma 8:6 waco ni tam ma ma lubo kit pa dano obedo lwodo tam labongo cwiny maleng. Man bene nyuto ni ki yo me kwo man kwalo kuc woko ki I cwiny.

Ka onyo I rwenyo manok malubo tyen lok ma oweko gicoyo buk man, wek apo wii ni a tye ka temo moko lok I kom lwodo tam “pingo, Lubanga, pingo?” aye gin acel ma kelo anyobanyoba, kwalo kuc me cwiny ki, tutwalle yom cwiny.

Imito nongo mit kwo? Ci lwodo tam myero kucit woko!

8



“YO ME TAM” KELO BWOLA

Gen acel keken matye weke pe ibwolle en aye me wot ki cwiny maleng – wek cwiny maleng aye otelli, ento pe kit miti kom. Catan tye ka yenyo lukriticayyo ma giwoto iyo me miti kom ma wigii aye telo gi, kit ma giwinyo kwede komgi, ki miti gi me ka ka gin acoya ki cwiny maleng. Pe watwero timo gin mo pien ilubo kit ma iwinyo kwede. Myero, me ka ka te loc me polo ki me gwoke wa, wa lub tella pa cwiny maleng.

Wiwa maro diyo jami duc. Mito ni enong kama jami ducu kelo niang. Pe wa maro lapeny ma lagamme peke. Yo acel ma cwiny maleng neko kwede kit me kom en aye lapeny labongo lagam. Ka pe wangeyo lagam, myero wagen Lubanga, nyo wapar par.

Cwiny maleng tye ki tic me kelo lakriticayyo I ka bedo me teggi macalo Yecu marre. Lakriticayyo ma geno won ka pe niang ngo matye ka time obedo dano ma oteggi. Pi man, Lubanga pol kare pe miyo wa lagam ma mako lapeny ducu ma watye kwede pien tye ka pwonyo wa me geno en. Ento, myero I po ni, wi pe rwatte ki pulan pa Lubanga ducu, wi obedo gin me kom ma rwatte ki kom wang-ma olokke ka niang nyo ka tamo tam me cwiny.

Jo Roma 8 loko pi tam me kit pa dano ki tam me kit me cwiny. Jo Galatia 5:17 waco ni miti me kit pa dano pyem ki miti pa cwiny

maleng, dok miti pa cwiny maleng bene pyem ki miti me kit pa dano dok bene gitiko bedo ka lweny kit meno.

Wek dok wadok cen i tam wa macon me cura man. Miti me kit pa dano mito ni eket jami ducu ka mo ma ding ma tidi dok bene nongo pe watwero niang.

Wa bedo ki waraga mapol i canduk wa ma tidi i kare mo acel. Gin weng onongo gitye ki nying lutive ducu. Ka onongo amito nyuttu kit me tic mo nyo kwena bot latic mo, ci aketo waraga manok i canduk man matidi me waraga man. Kicel kicel, inongo ni tic ma onongo amito ni Latic moni otim-ni nongo pe otimme. Onongo bene anongo ni pe aketo waraga man i canduk ma atir. Kine mogo anongo ni aketo i canduk moni ma nongo nying ngati mo peke iye.

Rwot otiyo ki canduk magi me pwonya. En onyutta ni kit ma aketo kede i canduk ma atir ki gang ticca ni, Kit meno bene kare mogo aketo tam mogo kama pe opore wiya. Ongo ceng jwi amito ni aket tam weng ka mo olo i wiya wek agwok ki diro Labongo yogoyogo nyo akalakala mo iye kun nongo atye ka geno Lubanga pire. Onongo abedo ki peko madit i “Kit yo ma atamo ki tam” Pol kare onongo apenyo ni, “Pingo, Lubanga, Pingo?” Pi meno, nongo atye ki anyobanyoba ki par ki cwercwmy Labongo kuc.

Onongo bene abwoke kena ceng mogo, ci Rwot onyutta, pien cawa-mogo nongo atamo ni tye jami ma nongo dong atyeko tamo ne woko, ci nongo abitimo nyo pe abitimo Lubbe ki i tamma. Lacen ka dong atyeko yero ne woko kadi-bed i tamma onongo angeyo ni dong anongo yo timmo ne woko ci anongo, ni karaman atimo bal woko.

Lubanga otiyo ki Carolok 3:7 me kelo ada bota. “Pe myero ibed ka tammo kekeni ni iryek.” Lubanga oweko aniang ni pe aryek kit ma onongo atamo ni aryek kwede ni. Pe atye ka lok pi ryeko me wic.

Atye ka lok i yo ma wakete kwede i wangwa kenwa-watye woko ki tam ma war moko. Carok 3:5, 6 waco ni:

“Gen Rwot, kene i kome ki cwinyi ducu nyo tammi ducu, pe ibed ka jenge ikom niang ma itye kwede. I kit kwoni ducu wii myero opo i kom Rwot, ci en bitiro yo ma iwoto iye bedo atir.”

Ka Lubanga okelo niang, pe ibibedo ki anyobanyoba, Ento ka ibedo ka tic mere ki ryekoni keni, ci imaro cito iyo ma ogomo tyeng 7 waco ni, “Pe myero ibed ka tamo kekeni ni iryek.”

Yo aryo me cobo peko mo keken gin egi: acel obedo yo me atir, acel obedo yo ma pe atir: Acel yo me kit tam me cwiny, acel obedo yo me kit tam me kom. Wek wa wac ni ngat mo ma lanebi otito lok Pa Lubanga ma mako an ento pe atye ki niang iye, nyo wek wa wac ni aleko lek ma oa kki bot Lubanga ci pe aniang tere. Atwero cito bot Lubanga won ni, “Wora, pe aniang, pi man alegi i kela niang miya ngec man.”

Ci aketo jami ducu ma pe aniang iye i cel. Yo mukene me waco ne en aye ni pe dong aket iye cwinya. A weko icing Lubanga ci ka en dong ottere ka miya lagamme, en bikwanyo ne woko ki i cel ma agwoko i iye ni ci biweko wiya poo pire. Jon 14:26 Waco ni cwiny maleng poyo wiwa. En biyabo bota gin ma an pe aniang ci abiniang gin ma yam pe atwero niang kome.

Yo me aryo me cobo peko acellu en, ka aleko nyo lok pa Lubanga obino bota ci pe aniang, twero bedo cako yenyo yo me niang kekena onongo atwero lok ki jo mapol wek awiny tamgi weko atwero medo ni tam pa dano patpat, ci meno nongo medo anywenanywena ma dong atye kwede ni ameda. Ci ka dong anongo yoo na kena, dong, atimo gin mo iye. Ento lok ada, ka ongo abedo ki ada ma pe apabbe, onongo aye ni cwinya onongo pe opye. Ka abedo ka tic ki tekka wek jami

otiine iyo me “tamma” pi lek man. Cin anyutta nyo lok lanebi, ci abidonyo i bal madit.

Po ni tam matek tutwali kelo anywena wic. Pe atye ka waco ni pe myero wa tam tam ma mako lok mogo, ento apokapoka tye i kin Lwod pi kare malac wek i nong niang ki par ma kelo anywena wic.

Ka iwinyo ni wi onywenne woko, ci gwokke pien man nyutto ni i tye ka tic iyo ma pe opore.

9



ANYOBANYOBA KWALO KUCCI

I cura man me agikki ni, wamoko matek ni anyobanyoba pe a-ki bot Lubanga. 1 Jo Korint 14:33 waco ni “Lubanga pe ticce me kelo anyobanyoba.” Jo kocolai 3:15 waco ni wuwek kuc olo cwiny wu wek wutim gin maber. Kuc macalo laloc cwiny, waco gin matye i lwa ki gin matye woko.

Anyobanyoba aye gin maleyo ka wang kuc. “Anyobanyoba” tere-ni gin ma onywene woko ata i pe leng, orubbe ata. Me tamo ni gin eni obed maca nyo pe nen maleng. “Kuc” tere ni oporre, Labongo ayela, iyeng, okwe mot. Ka dano mo pe tye ki kuc, Yecu owaco 1 Jon 10:10 ni lakwo bino pi kwalo, pi neko ki pi tyeko, Ento en, Yecu obino wek wanong kwo mamit mupong.

I kare ma okato anget amoko tama ni abi bedo kamaro Lubanga ki ka maro kuc. Ka Yecu oto pira wek pe anong kwo keken ento wek anong mit pa kwo bene, ci myero ateme ka nongo mitte.

1 Jon 15 waco kit ma Yecu opwonyo kwede pi kwo me bedo ma i notte kwede i kome, ma tere bedo donyo i yweyo pa Lubanga. I tyeng 1-10, en loko pi kwo me notte kwede. Ci i tyeng 11, en wacconi, “Atitiwu wek yomewinya obed I iwu, kek wupong ki yomewiny.”

Ada winyeni en mito ni wabed ki yomewiny ikwo wa. Anyobanyoba

i lok ada pe twero weko wa o i miti man.

Atweyo tere kit man kun ajingo cwinywu me moko tamwu wek wubed ki kuc ento pe anywena wic ki arem cwiny. Wek “tam mapol” cen, cawa mo keken ma inongo loc pa Lubanga myero wawek kit me tam me kom. Tam me kit me kom en aye “me temo tic iyo ni keni.” Kit me cwiny en aye geno Lubanga me nyutti wa lagam icawane. Ka iweko yo “tammi keni,” atye ki gen ada ni ibibedo ki yomewiny ki kuc.

BEDO I KWOK MANYEN



Ka peya iyee Yecu me bedo Rwot ki lalar me kwo ni, ye en woko kombedi i cawa man. I twero lego lega man, ci ka itye ki ada me lok man, ibibedo ki kwo manyen i Kricito.

Lubanga won, aye ni Yecu Kricito aye wodi, Lalar me lobo. Aye ni oto i kom yatariya pi an, ka otingo balla duc i wiye. Olor i limo me ka kara ka o loyo kwedo tek pa to ki lyel. Aye ni Yecu ocer ki i lyel ka dong tye obedo i tung bat/cing won ma lacuc. Amito in Yecu. Tima kica iwek balla, lara, bin idony icwinya. Amito larre.

Kombedi dong iyee woko ni Yecu atye ka kwo i cwinyi. Balli dong giweko (Gitimi Kica) dong itye labongo bal, man ka Yecu odwogo, ci dong ibicito wipolo.

Cit i gang lega ma ber ma pwonyo lok pa Lubanga wek i dong i Kricito. Pe ibinongo alokaloka i kwo ni Labongo ngec i kom lok pa Lubanga.

Utmegina me amara,

Jon 8:31,32 waconi, “Ka wumoko i lokka, ci wun lupwonyena adada. Wubingeyo lok me ada, lok me ada bigonyowu.”

Acikko cwinywu ni mak matek lok pa Lubanga, pit matut i cwinyi, ci malubo 2Jo Korint 3:18 ka i mede ka neno lok pa Rwot, miyo watye ka lokke me doko ma calo en.

Coona waraga wek ange ka iyee Yecu, ci ipenya pi buk ma acoyo pwony me kwo manyen i Kricito.

*Ki mar
Joyce*

LOK MAMAKO LACOC



Joyce Meyer ocako pwonyo lok pa Lubanga ocakke wa 1976 dok bene odonyo i tic pa Lubanga labongo yweyo i mwaka 1980. En lacoc maber maloyo ma ocoyo buk makato pyerabiro ma miyo pwony matut tutwal, i kin magi tye iye buk ma gilwongo ni ngiyo iyo ma opore, yo me lubo kor kuc, kit me winyo dwon Lubanga, Bar lweny me cwiny. En bere okelo woko alip ki alip me compak pwony waki Video mapat pat. Program pa Joyce bedo ki yomwiny i kwo me nino ducu me radio ki TV tye ilobo kawagi dok bene en woto mada ka pwony ikacoke. Joyce gin ki cware Dave dong litinogi dito dok bene gangi tye i St. Louis, Missouri.

LEGA ME NILARE

Lubanga mari dok mito ni ebed kiwat macok kwedi.

Ka onongo pwod peya ijolo Yecu Kristo macalo Rwoti ki Larlar ni, itwero timo ne kombedi.

Yab cwinyi bote cii ileg lega eni...

“ Wora, angeyo ni an abalo boti. Alegi ni itima kica. Lwok an maleng, dong acike me geno Yecu, mawodi.

Aye ni en oto pi an- en otingo bala ikome, ikare ma en oto ikom yataria. Dong aye ni en ocer ki ilyel.

Dong amiyo kwona bot yecu kombedi. Apwoyi wora, pi mot me kica ki me kwo ma pe tum ma dong imina. Dong Ikonya wek akwo kwo pi in, Inying Yecu, Amen.”

Kit ma dong ilego ki icwinyi ni, Lubanga dong ojoli, olonyi, ki dong ogonyi ki itwec me cwiny me too. Dong kwany kare me kwano wang jiri magi, ci ipeny Lubanga me lok kwedi ka iwoto kacel kwede iwot man me kwo manyen ni.

Jon 3:16

1 Korinti 15:3-4

Jo Epeco 1:4

Jo Epeco 2:8-9

1 Jon 1: 9

1 Jon 5:1

1 Jon 4: 14 -15

1 Jon 5: 12-13

Peny Lubanga me konyi wek inong kanica maber ma yee ikom lok pa Lubanga ki kome (Baibul onyo Jiri), wek ocuk cwinyi ki owek idong iwati ki Kristo. Lubanga tye kwedi ikare ducu, en bi teli mot mot ci nyuti kit me kwo, kwo mu pong ma en tye kwede pi in!